

Bf
Lib
HARANGUES
PANEGYRIQUES.

AV ROY, 2613

Sur l'ouverture de ses Etats.
ET A LA REINE,
Sur l'heureux succez de sa Regence.



A PARIS,

Chez TOUSSAINT DU BRAY, rue S. Jacques,
aux Espics meurs, & en sa boutique au
Palais, en la gallerie des Prisonniers.


M. D. C. XV.

Avec Privilege du Roy.

THE NEWBERRY
LIBRARY

Case
F
39
1726
1615 harr

Extraict du Priuilege du Roy.

 A R grace & Priuilege du Roy, il est permis à TOUSSAINT DV BRAY, Marchand Libraire juré a Paris, d'imprimer ou faire Imprimer, vendre & distribuer, deux Harangues Panegyriques, composées par le Sr. de Balzac, l'une au Roy sur l'ouuerture de ses Estats, & l'autre à la Royne, sur l'heureux succez de sa Regence, Et deffences sont faictes a tous autres Libraires & Imprimeurs de ce Royaume, de les Imprimer ou faire Imprimer, vendre & distribuer, sans le congé & consentement dudit du Bray, pendant le temps & terme de six ans, entiers & accomplis, sur peine de confiscation des Impressions qui en seront trouuées, & d'amande arbitraire enuers ledit du Bray, & de tous ses despens dommages & interests, ainsi que plus amplement est contenu & déclaré es lettres dudit Priuilege. Donné à Paris le troisieme Iour de Decembre, mil six cens quatorze.

Par le Conseil,

Signé,

ROVIAVL T.



H A R A N G V E
P A N E G Y R I Q V E,
A V R O Y.

Sur l'ouverture de ses Estats.



I R E,

L'Entrée de vostre
Majorité ne pouuoit e-
stre plus belle, ny se fai-
re mieux à propos que par l'ouuer-
ture de vos Estats : vous n'y pou-
uies passer sur vne planche plus
seure que celle-cy : vous ne pou-

A ij

uiés vous embarquer en vn meilleur vaisseau, ny vous mettre dans le Dedale des affaires publicques, sans auoir pris en ceste assemblée le filet d'Ariadne pour vous y conduire. Vn Prince ne peut finir mal, qui commence par la Iustice: comme en ceste action il approche plus de Dieu, il merite plus aussi des hommes qu'en tout' autre. Vos subjects, S I R E, vous recognoistront icy pour leur pere; vous les recognoistrés pour vos enfans. Vous sçaurés ceux à qui vous cōmandés, ils verront celuy à qui ils obeïssent. Celuy qui commençant à viure, à commencé presqu'à regner, qui est nay dans la pourpre, & sur les fleurs de Lys; qui est Majeur à quatorze ans, y

P A N E G Y R I Q V E.

en ayant eu de mineurs autrefois à quarante. Il est vray, S I R E, ce que les hommes appellent prudence, c'est vostre naturel, & Dieu vous donne, comme à son fils aîné, ce qu'il nous fait gagner, comme à ses esclaves. Vous exercez ses iugemens. Il nous fera tantost entendre ses volontés par vostre bouche, comme vn iour il les exécutera par vostre main. Il a permis le desordre, affin de vous donner le moyen de le reformer : il a laissé les maladies, affin que vous y appliquassies les remedes, il a voulu que les mauuaises coustumes prissent pied, affin que vous eussies l'honneur de remettre les bonnes, en fin le mal a esté iusques icy, pour vous donner seulement la loüange du

bien . Nous l'attendons tous ,
S I R E, de vostre Royale bonté:
Ce sont les vœux & les voix des
trois ordres de vostre Royaume.
Si vous aymés vostre Mere , vous
affectionnerés particulièrement ce
qui touche l'Eglise ; si vous vous
aymés vous mesmes , vous ferés
paroistre par reflexion vne estin-
celle de cest amour à vostre No-
blesse : Si vous aymez vos enfans ,
il ne peut estre que vostre peuple
ne s'en ressente. Tous trois, S I R E,
vous recognoissants comme leur
protecteur, l'Eglise, de sa dignité;
la Noblesse, de son honneur ; & le
peuple de son repos. C'est icy vo-
stre grande feste , S I R E, vous de-
uez exaucer nos prieres: Ce sont les
grands Iours, ou il faut que chacun

reçoiue selon ses œuvres: Que toutes les grandeurs s'humilient à la vostre : Que tous les petits luminaires s'esuanoüissent à la veuë de leur Soleil : Que le plus grand de vos subjects cognoisse qu'il n'est grand , qu'à cause qu'il est plus petit que vous : & que la qualité de premier Prince ne le doit pas tant releuer que celle de vostre premier seruiteur. C'est icy sur tout, SIRE, que vous deuez assseurer la tranquillité de vostre Estat , & establir le repos de vos subjects. Il faut qu'en ouurant ceste assemblée , vous fermiez à iamais le Temple de Ianus. La guerre est morte en vostre naissance : Il faut que vostre Majorité l'enseuelisse : Vostre berceau , SIRE , à esté celuy de la

paix : De sorte que si la France à de l'obligation à vos predecesseurs d'auoir long-temps esté au monde : Elle vous en a beaucoup d'y estre venu : Vous luy avez apporté le plus beau present que le Ciel puisse faire à la Terre : Ceste paix, dis-je, qui est creuë avecques vous : Qui conte auiourd'huy son aage avec le vostre : & (si nous croyons aux Propheties) qui doit, S I R E, ne mourir iamais , si vous viuez tousiours.

H A R A N G V E